

Man D'si par Florence M Hacquoil (FMH)

J'voudrais-t-i' aver un baté
Pour pouver l'tou d'la côte aller
J'îthais bein seux jusqu'au Bouôlé
Et j'pêque-thais l'tou des Pierres dé Lé.

Il y f'thait bé en pliein été
Sustout si le solé r'lisait,
J'attrap'thais p'têtre tchique bieu païsson
Pour rapporter à la maïthon.

J'n'ai pas idée d'être païssongni
Mais sus la mé j'veurs navidgi,
Tchique bieu jour peut-être je s'sai
Captaine d'un supèrbe baté.